


Isiphala SesiNdebele



**Sheu Thandani
Thembelani Dube**



Isiphala
SesiNdebele
Grade 7

Sheu Thandani
Thembalami Dube

Sample



GRAMSOL





Isiphala SesiNdebele Grade 7

Published by
Gramsol Books
46 Kwame Nkrumah Avenue,
Harare. 2021
www.gramsol.com
Tel. 0864 420 9124

© Tendani Shawu
Dube Thembelani
© Gramsol Books

The moral rights of the authors have been asserted

Publisher: Sandura Tafadzwa
Managing Editor: Mbono Njabulo
Commissioning Editor: Sibanda Mphokuhle
Development Editor: Midzi Andrew
Typeset by Shoniwa Patrick
Cover Design by Chikanga Francis
Printed by Gramsol Books

ISBN: 978-1-77925-832-8

Legal Notice

All rights reserved. No part of this book may be reproduced, stored in a retrieval system, or transmitted in any form, or by any means, electronic, mechanical, photocopying, recording or otherwise, without prior written permission from the Gramsol Books. You must not circulate this book in any other binding or cover and you must impose this same condition on any inquirer.

Acknowledgements

The publisher and authors would like to acknowledge and thank the following for photographs and copyright material:

canva.com/ pinterest.com/ shutterstock.com/ pixels.com/ amazon.co.uk/ youtube.com/ hangouts.google.com/
unsplash.com/ homeseach.co.uk/ utc.edu/.

The publisher has made every effort to trace the copyright holders. If they have inadvertently overlooked any, they will be pleased to make the necessary arrangements at the first opportunity.





OKUMUNYETHWEYO


Ukuhlelwa kwebhuku	iv
ISAHLUKO 1: Mina	1
ISAHLUKO 2: Ezemvelo	6
ISAHLUKO 3: Asincedisaneni	10
ISAHLUKO 4: Amalungelo lemilandu yabantwana	14
ISAHLUKO 5: Amalungelo lemilandu yabantu	18
Impinda 1	23
ISAHLUKO 6: Izindlela zokufunda	25
ISAHLUKO 7: Ukwehlisa lokuvikela ingozi	30
ISAHLUKO 8: Ukuthengiselana.....	35
ISAHLUKO 9: Ezempilakahle 1	39
ISAHLUKO 10: Ezempilakahle 2.....	44
ISAHLUKO 11: Umhloliso Wethemu Yakuqala.....	48
ISAHLUKO 12: Ukugugudeka komhlaba	54
ISAHLUKO 13: Ubulili	58
ISAHLUKO 14: Ikusasa yami	63
ISAHLUKO 15: Ukuphathisana	67
Impinda 2	71
ISAHLUKO 16: Eziphathelane Lemvelo	73
ISAHLUKO 17: Umbuso Wakudala	77
ISAHLUKO 18: Ukukhulumisana komndeni	81
ISAHLUKO 19: Umsebenzi engiwufisayo	86
ISAHLUKO 20: Ukuvikelwa kwabantwana	91
Impinda 3	96
ISAHLUKO 21: Amasiko	98
ISAHLUKO 22: Umhloliso Wethemu Yesibili	103
ISAHLUKO 23: Inganekwane	108
ISAHLUKO 24: Ukuthathana Lokwendiselana	113
ISAHLUKO 25: Ukufunda	118
Impinda 4	122
ISAHLUKO 26: Inganekwane	124
ISAHLUKO 27: Imikhuba YamaNdebele	129
ISAHLUKO 28: Ukukholwa	133
ISAHLUKO 29: Inganekwane	137
ISAHLUKO 30: Usizwe	141
Impinda 5	145
ISAHLUKO 31: Izikhathi ezinzima	147
ISAHLUKO 32: Ezisetshenziswayo emkulwini	154
ISAHLUKO 33: Umhloliso Wethemu Yesithathu	156
Umhloliso 1	162
Umhloliso 2	167
Umhloliso 3	172



Ukuhlelwa Kwebhuku

ISAHLUKO
1

Mina



Injongo
Ekupheleni kwesahluko kumele abafundi benelise:

- Ukuxoxa ngokugakatheka kwezangelo lezibongo esintwini sethu
- Ukunanzelela ukugakatheka kwamalunga wonke emuli
- Ukuchaza ubuhlobo phakathi kwamalunga emuli
- Ukubumba amabala besebenzisa iziqa eziphiweyo
- Ukubhala izibizelo zamabala lemitsho
- Ukubala indaba yokuzwisisa ngendlela eqondileyo njalo bayizwisise
- Ukuphendula imibuzo yendaba yokuzwisisa ngesiNdebele esiqondileyo
- Ukubhala isifingo lencwadi yobungane besebenzisa isiNdebele esiqondileyo.

Amabala eviki
Bala amabala la, uwachaze ukuthi atshoni

ukutema	ukubonga	imbongi	dabuka
isangelo	ukwelama	isitemo	qamela

Iziqa zeviki
Phumisa imisindo yeziqa lezi ezilandelayo, ubumbe amabala ngazo, ubususakha ngawo imitsho egcweleyo.

nk – inkonyane	ml – mlethe	tsh – tshutshisa
----------------	-------------	------------------

Isahluko sinye ngasinye silomfanekiso wesahluko, injongo zesahluko, amabala eviki kanye leziqa zeviki.

Ugwalo lwethu lulezahluko ezingamatshumi amathathu lantathu. Isahluko sinye ngasinye sileziqo ezinhlanu zokufunda:

(A) Ukulalela Lokukhuluma
(B) Ukubala
(C) Ukubhala
(D) Ulimi
(E) Okunye okokwenza



Ukuhlelwa Kwebhuku

Amabala amatsha achasisiwe kusichazamazwi sesahluko.

Uluhlu lwamabala amatsha

Hlayaza yikukhuluma inkulumbo ejonge ukuchaza abanye.
Khamfukhamfu yisenzakuthi esikhombisa ukwenza ulutho ngamafitshane langokuphangisaukuze kungachithwa isikhathi.
Qhulula yikuvula amehlo kakhulu ngenxa yokwesaba kumbe ukubona into emangalisayo.
Qobhi yikutshona kwelanga sekuzanqanda amehlo.
Umbombo ngumqolo owehlukanisa amakhala lankhlo.
Umdeni ngabantu abazalanayo abayizihlobo okwegazi.
Yobayoba yikutshileka okwenzakala kumuntu etshengisa ukuthi uzwa ubuhlungu/ukungahlaliseki.

85

Bala indatshana elandelayo ubusuphendula imibuzo.

UBongani Ngwenya wayeyindoda eyayidumile kakhulu eNkayi esigabeni seZenka ngoba wayelemuli enkulu. Wayethethe abafazi abanengi. Owokuqala uMaMoyo wabhubha ebeletha izibulo labo. Owesibili wayengu MaDube elabantwana abathathu, olandelayo kunguMaNyoni elamaphahla owokucina kunguMaSibanda owayebeletha minyaka yonke njengoba wayeseleminyaka eyithupha wafika lapha koNgwenya. Wayeyithanda imuli yakhe uNgwenya. Kungela bandlululo. Babepheka emkulwini munye bephathisana ngemisebenzi yonke. Minyaka yonke babevuna isivuno esiphezulu. Umthetho lapha ekhaya wawuqathekiswa kakhulu. Abantwana babehlonipha abantu bonke omdala lomncinyane. Wayenconywa ubaba uNgwenya ngokubamba umuzi wakhe ngesandla esilomthetho.

Phendula imibuzo elandelayo

18. Wayedabuka kusiphi isigaba ubaba uNgwenya?
A. eNkayi B. eZenka.
C. eNgwenya D. koBulawayo
19. Wayedume ngani lubaba?
A. Wayelabafazi abanengi B. Wayelabantwana abanengi
C. Wayelesithembo D. Wayelemuli enkulu
20. Wayesesele lamakhosikazi amangaki lubaba?
A. abahlanu. B. abane.
C. Abathathu. D. Abayisithupha
21. Wayelabantwana abangaki ubaba uNgwenya?
A. Abalitshumi. B. Abalitshumi lanye.
C. Abalitshumi lambili D. Abalitshumi lantathu
22. Kuthiwa kwakungela bandlululo kumuli le, kutsho ukuthi _____.
A. babethandana B. babengakhethani
C. babezwelana D. babenakekelana
23. Nguphi unkosikazi owayelabantwana abanengi?
A. MaDube. B. MaMoyo
C. MaNyoni. D. MaSibanda
24. Minyaka yonke kuthiwa babetholani?
A. Umntwana B. Isivuno esiphezulu.
C. Umthetho D. Babehlonipha
25. Ubaba lo ngesiNdebele esiqondileyo sithi waye _____.
A. lesithembo B. labafazi labantwana abanengi
C. yisihwaba D. yisinothongwana.

Yiziphi izinciphiso eziqondileyo emabizweni alandelayo

18. Impuphu
A. impuphana B. imputshwana C. imputshana D. impuphutshwana

50

Imisebenzi yokubhala ehlola ulwazi.



A UKULALELA LOKUKHULUMA

Ingxoxo

1. Xoxani emaqenjini ngokuthi ungubani, udabuka ngaphi, izitemo zakho ngezakobani, ibizo lakho litshoni.
2. Qoqanani ngezibongo zenu. Khulumani izitemo zenu, ngemva kwalokho, qambani ukuthi ngobani abalezitemo ezifananayo liveze labalezitemo ezehlukeneyo
3. Xoxani ngokuqakatheka kwezibongo lezitemo. Iqembu linye ngalinye lizanikwa ithuba lokukhuluma abakubhalileyo.

Ukulalela

Izibizelo zamabala lemitsho

Ngababili, balani amabala eviki. Ngemva kokuwabala, umbalisi uzabizela amabala kunye lemitsho. Lalelisisa.

B UKUBALA

Bala indaba ube usuphendula imibuzo elandelayo.

Ibizo lami nguSenzeni Moyo. Ngifunda ugwalo lwesikhombisa eNhlababalozi endaweni yeNtabazinduna.

Ngakithi sazwa sababane. Kuqala umnewethu uNjabulo osesebenza edolobheni elikhulu laseHarare, ungumakanika khonale njalo uselemuli yakhe. Owesibili ngudadewethu uLindiwe ofunda uFomu 3 esikolo seNhlababalozi sekondari welanywa yimi, besekucina uThembinkosi ofunda ugwalo lwesibili lwemfundo yaphansi khonapha njalo eNhlababalozi.



Abazali bethu ngamakholwa. Ubaba uMoyo uzalwa ngumfundisi. Umama uMnkomolaye uzalwa ngumfundisi. Bonke bakhulele emagumeni esonto.

Safundiswa ukuthi umuntu omdala kabongwa nje, kodwa kumele umteme ukuze utshengisele ukuthi uyabonga. Ubaba angasenzela okuhle sithi, "EMoyo, eNhali eTshongogwe". Umama simtema ngokuthi, "EMlotshwa, eMhlophe". Sihlala eNtabazinduna kodwa ubaba udabuka eTsholotsho, emkhonweni weSolusi. Umama wazalelwa ePlumtree esikolo seCyrene lapho ubabamkhulu ayebambe ibandla leAnglican.

Ugogo ozala ubaba wayesixoxa ngokuthi ngubani owayesetha amabizo lokuthi atshoni. Ngathanda ibizo likaNjabulo aletshiwa ngubaba. Ubaba wathi esizwa ukuthi umama sekhululekile wadabula umango eqonda ekilini yekhansili. Wajabula kakhulu esizwa ukuthi uzibule ngomntwana ongumfana wahle wathi nguNjabulo.



UKUBHALA

Phendula imibuzo elandelayo

1. Uhambo lolu lwalunini?
2. Ngabafundi baluphi ugwalo abahamba kuhambo lolu?
3. Ibhasi yafika besenzani abafundi?
4. Babesiya ngaphi abafundi?
5. Bemukelwa ngubani?
6. Qamba abanye ababili abababhodisa bebona inyamazana.
7. Qamba okubili abakufundayo lapha.
8. Kungani inyamazana lezi kumele zigcinwe kuhle?
9. Ngubani owabongayo ekucineni?
10. Phana ingcazelo yamabala la njengokusetshenziswa kwawo endabeni:
 - a. esasililindele
 - b. wakhwaza
 - c. imihlobohlolo
 - d. ziyinsika
 - e. abogatsha

Isifinqo

Ukunciphisa indaba yikuthatha okumqoka ubhale ngamazwi akho utshengisa ukuzwisa indaba. Usebenzisa inkathi edluleyo ukuze kukhanye ukuthi ayisuwe obhale indaba lokuthi sokwenzakala.

Buyela emuva uyebala indaba 'Ezemvelo'. Ifinqe indaba le ngamabala angamatshumi amathathu.

Indaba yokuzibumbela

Bhala indatshana ngezemvelo zakuleli. Indatshana yakho kumele ibe lamabala angamatshumi ayisitshiyagalombili kusiya kukhulu lamatshumi amabili. Uyavunyelwa ukusebenzisa imicijo elandelayo kumbe eminye oyibona ifanele.

- qamba ezemvelo zakuleli
- zitholakala kuziphi indawo kuleli?
- zisinceda ngani?
- singazigcina njani ukuze zingatshalali?



ULIMI

Izaga

Izaga ziyanonisa ulimi lwesiNdebele njalo zilengcazelo ezehlukene. Kulezaga ezisebenzisa amabizo enyamazana. Bhala izaga ezilamabizo alandelayo.

C UKUBHALA

Phendula imibuzo elandelayo

1. Ngubani oxoxa kulindaba?
2. Bahlala kuliphi idolobho?
3. Osebenza phandle kwedolobho ngubani?
4. Abantwana bakoMoyo bafunda kusiphi isikolo?
5. Kungani unina wabantwana angasayi ekhaya viki zonke?
6. Ngobunzima bomnotho welizwe, abantwana sebafundani?
7. Kuqala babencediswa ngubani?
8. Umuntu osala lomntwana kumbe labantwana abazali beye emsebenzini kuthiwa ngu_____.
9. Imisebenzi yendlini iba lula uma amalunga emuli engenza njani?
10. Phana ingcazelo yamabala la njengokusetshenziswa kwawo endabeni.
 - a. ngokuwoma kwezinto
 - b. ukuphathisana
 - c. ukumholisa
 - d. ngempelaviki
 - e. singabambisana
 - f. izibulo

Isifinqo

Bhala ufinqa indaba yekuzwisisa oyibalileyo ngamabala angamatshumi ayisithupha. Khumbula ukuthi isifinqo kumele sibe lemicijo eqakathekileyo eyethulwa ngawakho amazwi, hatshi awomlobi.

Incwadi yobungane

Bhalela umngane wakho ohlala kweyinye indawo umxoxela ngendlela eliphathisana ngayo njengemuli ekhaya. Uyavunyelwa ukusebenzisa imicijo elandelayo kumbe eminye oyibona ifanele.

- libangaki emulini yangakini?
- liphathisana njani?
- kuyanceda yini ukuphathisana kumbe hatshi? Phana izizatho.

D ULIMI

Ukusetshenziswa kolimi

Chasisa lapha

1. Umntwana wokuqala li_____.
2. Umntwana wokucina li_____.
3. Abantwana ababili abazalwa kanyekanye ngama_____ kumbe _____.



UKUBHALA

Phendula imibuzo elandelayo

1. Insimbi yakhala nini?
2. Ngubani owabatshela okokwenza ekukhaleni kwensimbi?
3. Phana amabizo amapholisa lawa.
4. Owathi baqambe amalungelo abo ngubani?
5. Qamba amalungelo abantwana abe mabili.
6. Kwathiwa bafone nxa kutheni?
7. Kuthiwa amalungelo ahamba lani?
8. Ngubani owabonga izethekeli?
9. Phana ingcazelo yamabala la njengokusetshenziswa kwawo endabeni.
 - a. siphakathi laphakathi
 - b. langokucwayiza kwelihlo
 - c. wethula izethekali
 - d. ephuliwe
10. Udaba olwalethwa ngamapholisa luqakathekile yini? Utsho ngani?

Isifinqo

Buyela emuva uyebala indaba 'Amalungelo lemilandu. Ifinqe indaba le ngamabala angamatshumi ayisithupha.

Indaba yokuzibumbela

Khetha amalungelo abantwana amathathu, ubhale indaba ngawo. Yeza limilandu ehamba lelungelo linye ngalinye kulawo owakhethileyo.



ULIMI

Umsebenzi

Endabeni kuthiwa abafundi bavakatshelwa ngamapholisa bezobalimukisa ngamalungelo lemilandu yabo empilweni. Omunye umsebenzi wamapholisa yikubamba izigebengu bazibophe.

Chaza lowu ukuthi wenza msebenzi bani

1. Umzingeli
2. Umelusi
3. Umfundisi
4. Umtshayeli
5. Umakanika
6. Umbalisi
7. Udokotela
8. Umlizane

ISAHLUKO 5

Amalungelo lemilandu yabantu

Injongo

Ekupheleni kwesahluko kumele abafundi benelise:

- Ukuxoxa kabanzi ngamalungelo lemilandu yabantu
- Ukunanzelela ukuqakatheka kwabantu abagokekileyo esigabeni
- Ukubumba amabala besebenzisa iziqa eziphiweyo
- Ukubhala izibizelo zamabala lemitsho
- Ukubala indaba yokuzwisisa ngendlela eqondileyo njalo bayizwisise
- Ukuphendula imibuzo yendaba yokuzwisisa ngesiNdebele esiqondileyo
- Ukubhala isifinqo lendaba yokuzibumbela besebenzisa isiNdebele esiqondileyo.

Amabala eviki

Bala amabala la, uwachaze ukuthi atshoni.

umfelokazi

umfelwa

intandane

isililo

ilifa

iwili

umbuyiso

umkhosi

Iziqa zeviki

Phumisa imisindo yeziqa lezi ezilandelayo, ubumbe amabala ngazo, ubususakha ngawo imitsho egcweleyo.

mkh – mkhwenyethu

nhlw – inhlwa

mdl - umdlalo

A UKUFALELA LOKUKHULUMA

Ukuphikisana

Ngamaqembu, phikisanani ngesihloko esithi, "I-internet isibangele abafundi abanengi ukuthi babengamavila ngekhaya lasemsebenzini wesikolo."

Ukulalela

Izibizelo zamabala lemitsho

Ngababili, dlalani imidlalo yezibizelo. Umbalisi uzalipha izibizelo zamabala lemitsho. Lalelisa.

Ukukhuluma

Ngababili, qambani indlela zokufunda zakudala lezakulezi insuku. Qathanisani indlela lezi litsho ukuthi yiziphi indlela ezingcono. Iqembu linye ngalinye lizanikwa ithuba lokukhuluma elikubhalileyo.

B UKUBALA

Bala indaba ube usuphendula imibuzo elandelayo.

uNomqhele loThabile esitolo esitsha

Isikolo siphuma uNomqhele loThabile baphuma ngesiqubu sikanogwajwa, ingathi bakhuthwe luhlamvu lombhobho. Bathe befika emavinkilini bazithela phakathi kwesitolo esitsha sako 'Miles Computers.'

Thabile: Ngikutshelile ukuthi singaphuma sigijima sizakuba ngabokuqala sizikhethela imitshina yokusebenzisa.

Nomqhele: Ubuqinisele.

Thabile: Ngemva kwemizuzu uzabona sekugcwele abantwana beHugh Beadle, Baines, Thomas Rudland leNewmansford.

Nomqhele: Asiphangise ngifuna ukuthumela impendulo yomncintiswano nge e-mail.

Thabile: Hamba kubaba lowana nguyey ozakunceda. Ulayo imali yokubhadala?

Nomqhele: Yebo izolo ubutshilo ukuthi ngicele imali.

UNomqhele waqhubeka waya kumnumzana owambhadalisa amadola amahlanu okusebenzisa i-internet okwehola elilodwa.

Nomqhele: Sengibhadale kuthiwa ngisebenzise umtshina owokuqala. Yiwuphi lowo?

Thabile: Nankuyana!

Bafika bawuvula, baqala ukuxhokola, bathumela impendulo yomncintiswano kaNomqhele, basebedinga impendulo zomsebenzi wekhaya ababewuphiwe ngumbalisi wabo. Ekucineni bazibukelela imifanekiso yabahlabeleli abadumileyo.

Thabile: Imali yethu isiphelile, ngoba isikhathi sesitshayile. Asihambe njengoba ubona sekuphithizela sekugcwele abanye abantwana.



A UKULELELA LOKUKHULUMA

Ingxoxo

Mama: Suka Thanda uzakutsha!

Thanda: Hatshi! Angisoze.

UThanda wasondela eziko wathinta imbiza eyayixhwatha ilambazi lahle lakutukela engalweni.

Thanda: Mayee! Mama lo!

Qedisa ingxoxo le lomngane wakho lilingisa abantu asebehlelwe yingozi ekhaya.

Ukulalela

Izibizelo zamabala lemitsho

Ngababili, balani amabala eviki. Ngemva kokuwabala, umbalisi uzabizela amabala kunye lemitsho. Lalelisisa.

Ukukhuluma

1. Qambani ingozi ezivame ukwenzakala esigabeni kumbe elizweni.
2. Zingavikelwa njani ingozi?
3. Uma sezehlele abantu, bangancwedwa njani abawelwe luhlupho lolo?

B UKUBALA

Bala indaba ube usuphendula imibuzo elandelayo.

Isikolo sitsha libalele

Zazididene izakhamuzi zeTsholotsho zimangaliswe **yisiga** esasithethe indawo ekupheleni kweviki. Akula owayelempendulo kunsindabaphenduli le eyayenzekile. Abafundi batshayisa kuhle kungoLweSihlanu, mhla ziyisitshiyagalombili kuLwezi. Kuthe kudlula ibhasi yantambama sekuthule zwi eMhlabangubo Primary, kungathi akuzange kufundwe ngitsho ngalelo langa. **Kwaqhamuka** abafana abambalwa ababehlala **bucwadlana** lesikolo bememeza kodwa bengazwakali abakutshoyo ngoba babekhuluma kanye kanye. Umninimuzi, uMathe owayehlala eduzane wabona ukuba kukhona okukhona. Obaba ayelabo bababizela eduzane bababuzisisa. Omdala wakhona owayekugwalo lwesikhombisa wathi isikolo siyatsha. Basukuma bonke beqonda esikolo. Bathe bathi **mehlo suka** bahlangana leyezi elimnyama elaligubuzele isikolo. Izindlu zokufundela ezazibambene lewofisi zazisitsha.

Omakhelwane badobha amagabha enhlabathi, abanye beqonda esikotsho ukuya kukha amanzi abanye njalo begamula ingatsha zezihlahla. Zazama izakhamuzi kodwa kwasekuyinkalakatha yelangabi. Zathula izakhamuzi kwezwakala **ukuwuwuma** komlilo lokuwa komduli lamazenge. Khonokho kwafika umphathi wesigaba uDube elandelwa yintathelizindaba. Ababalisi ababengayanga kumpelaviki babona ngeyezi elimnyama esikolo, bathola izakhamuzi **sezidelile**, sezibukele isikolo sisitsha.

Ababalisi abakhuluma lentathelizindaba batshengisa ukudana ngoba ingwalo



Umbiko ubhalwa ngenkathi edluleyo. Bhala umbiko ubhalela umphathisikolo ngobugebenga benzakale ngempelaviki. Sebenzisa amabala angamatshumi ayisitshiyagalombili kusiya kukhulu lamatshumi amabili. Uyavunyelwa ukusebenzisa imicijo elandelayo kumbe eminye oyibona ifanele.

- kwenzakalani?
- kwakulobani esikolo?
- kwantshontshwani?
- Kuzwakalani?
- Nyathelo bani elingathathwa?

D ULIMI

Izaga

Izaga ngeyinye yezindlela ezinonisa ulimi lwesiNdebele. Isikhathi esinengi izaga ziyaxwayisa.

Qedisa izaga lezi.

1. Hamba _____ bazakucutha phambili.
2. _____ zihlekana iziphongo.
3. _____ idla ngamabala.
4. _____ ziyagezana.
5. _____ lembula ingubo lingene.
6. _____ enhle ngumakhothwa ngunina.
7. _____ esihle kasidleli.
8. _____ ibuzwa kwabaphambili.
9. _____ lendoda kalihlekwa.
10. _____ awutshayelwa mathambo.

Uhlelo

Kusahluko 4, safunda mayelana ngesiqalo lesiqu, njengalokhu okuvezwe phansi.

Isibonelo:

Ibizo
i. umama

Isiqalo
u-

Isiqu
-mama

Emabizweni alandelayo yehlukanisa phakathi kweziqalo leziqu.

1. amahlwayi
2. isikolo
3. umzingeli
4. imifula
5. ukuzonda
6. ukudakwa
7. ufudu
8. ingilosi
9. abeSuthu
10. omakoti



C UKUBHALA

Phendula imibuzo elandelayo

1. Babebangaki omama ababevela woda?
2. Kuthiwa kungani bagada ibhasi?
3. Okwenza bakhathale omama laba yini?
4. Owayesesele ledola ngubani?
5. Kuthiwa kungani amatamatisi akuqala abola?
6. Owafika ezothenga ngubani?
7. Wayefuna ukuthenga ngani?
8. Kungani wehluleka?
9. Wasuka ekhala ngani uMaGumede?
10. Phana ingcazelo yamabala la asengoxweni njengokusetshenziswa kwawo.
 - a. behaluzela
 - b. imitshaqana
 - c. ukukhathala
 - d. bedidizela
 - e. umumo
 - f. ukuphosela imali emanzini

Isifinqo

Ukufinqa yikunciphisa indaba oyibalileyo ibe mfitshane. Buyela emuva uyebala njalo indaba le, 'Ingxoxo yabomama abavela woda'. Ifinqe indaba le ngamabala angamatshumi amathathu.

Indaba yokuzibumbela

Bhala ingxoxo phakathi kukamathengisa lomathenga. Sebenzisa amabala angamatshumi ayisitshiyagalombili kusiya kukhulu lamatshumi amabili. Uyavunyelwa ukusebenzisa imicijo elandelayo kumbe eminye oyibona ifanele.

- umathenga uthengani?
- ubhadala ngayiphi indlela?
- umathengisa ufuna umathenga abhadale ngayiphi indlela?

D ULIMI

Ukusetshenziswa kolimi

Omama laba kungxoxo kuthiwa babephethe imitshaqana.

Tshono ukuthi ngokokuphathelani okulandelayo.

1. igula
2. imfuko
6. isigxingi
7. isilulu



esibhedlela ebona umntwana **ecikizeka** esiya phambili.

Bavuka ekuseni uMaMsipha watotobisa uMondli. Ekufikeni esibhedlela seMpilo bancedwa ngumongikazi owabona ukuthi uMondli uphathekile, wabaphathela inqola wambeka kiyo wahamba esemfuqa. Wazibika ukuthi ungumongikazi Sithole wahle wabasa kumabhalane. Babhadala, wahle kwathiwa aye kudokotela. USithole wafika watshiya uMondli logogo uMaMsipha, uthe uthi uyaphuma udokotela wathi angayikhatshana uzafuna usizo lwakhe.

Dokotela 1: Linjani gogo? Ngingudokotela uMaQutshwa, ngingalanceda ngani?

Gogo: Yebo dokotela nginguMaMsipha. Umzukululu wami kezwa kuhle.

Dokotela 1: Yebo mfana. Ngubani ibizo lakho?

Wathula uMondli.

Gogo: Khuluma Mondli ungesabi, uzakunceda udokotela.

Mondli: NginguMondliwethu Sibanda, angizwa kuhle dokotela.

Dokotela 1: Kuyini okubuhlungu?

Mondli: Ikhanda njalo ngiphela amandla.

Dokotela 1: Sithole ngena ungancedise sifake uMondli embhedeni.

Wangena uSithole bamncedisa walala embhedeni. Udokotela wamhlola, lapho okwakubuhlungu uMondli esitsho. Baqeda lapho bamncedisa bamhlalisa enqoleni angene ngayo.

Dokotela 1: Gogo ngizambhalela incwadi zokuthi ayehlolisiswa ukuze sibekwazi okumkhathazayo.

Gogo: Ngiyabonga mntanami.

Umongikazi uSithole wabathatha wabasa kuwofisi lapha okuhlolwa khona imikhuhlane eyehlukene. Lapha lakho wahle wemukelwa ngokuphangisa uMondli.

Mgongikazi Sithole: Livuka njani dokotela, ngilethe uMondli okuthiwe azo hlolisiswa.

Dokotela 2: Ngiyabonga mongikazi. Linjani gogo? Sakubona Mondli.

Ethatha incwadi ezivela kudokotela wakuqala.

Mondli logogo: (kanye kanye) Yebo dokotela.

Dokotela 2: Ngizasebenzisa inalithi ukuze ngithathe igazi. Uyayesaba inalithi Mondli?

Mondli: Ye aaa! (evula amehlo)

Dokotela 2: Kuzakubabuhlungu kancane uqinisele njengendoda.

Udokotela wathatha imbodlela ezintathu zegazi lika Mondli, wasebazisa ukuba bayelinda phandle kwewofisi kadokotela abaqale kuye ngoba impumela izaphuma ngemva kwehola.

Gogo: Ngiyabonga mzukululu.

Umongikazi Sithole waphuma labo efuqa inqola kaMondli wayabatshiya phandle kwewofisi kadokotela wakuqala.



UKUBHALA

Phendula imibuzo elandelayo

1. UMondli ngubani kagogo?
2. Nxa kuthiwa uMondli wafelwa ngabazali bakhe sithi uyi_____.
3. Ukhathazwa yini ugogo?





kubomongikazi, liye lapho okuthathwa khona amaphilisi. Bazalitshengisa khonangale njalo ozalipha amaphilisi, uzalilayela ukuthi uzawanatha njani. Awanathe ngendlela nsuku zonke ukuze aqine njalo angatholitholi imikhuhlane eyehlukeneyo. Bazalitshelela ukuthi liphenduke nini lizothatha amaphilisi.

Basukuma, ugogo wabonga udokotela baqonda kubomongikazi.



UKUBHALA

Phendula imibuzo elandelayo

1. Wayebulawa yini uMondli?
2. Kutsho ukuthi wayesesifa. Liqiniso kumbe hatshi?
3. Ukuba leHIV kutshoni?
4. IHIV ibulalani emzimbeni?
5. UMondli wayekuzwisisa yini ukuthi ukuba leHIV kutshoni? Utsho ngani?
6. UDokotela wathi bazakuya kubomongikazi abazabafundisani?
7. Amaphilisi la ayezamnceda ngani?
8. Yikwenzani ukubihla?
9. Phana ingcazelo yamabala la asengxoxweni njengokusetshenziswa kwawo.
 - a. Impumela
 - b. Igciwane
 - c. Uzalilayela
 - d. Ehlukeneyo
 - e. utholakala

Isifinqo

Buyela emuva uyebala ingxoxo, 'UMaMsipha uhambisa uMondli esibhedlela 2'. Dinga okumgoka kundaba le. Ifinqe indaba le ngamabala angamatshumi ayisithupha.

Indaba yokuzibumbela

Bhala indaba ngomkhuhlane osuthanyele isizwe ngokungazi. Sebenzisa amabala angamatshumi ayisitshiyagalombili kusiya kukhulu lamatshumi amabili. Uyavunyelwa ukusebenzisa imicijo elandelayo kumbe eminye oyibona ifanele.

- yiwuphi umkhuhlane?
- kungani kuyiwo osuqede abantu?
- ungavikelwa njani?
- ungakhuthaza njani abantu ngokubalimukisa ngomkhuhlane lo?



ISAPHLUKO 11

Umhloliso wethemu yakuqala

Umhloliso wephepha lakuqala

[40 marks]

Isikhathi: Amahola amabili

Bala indatshana elandelayo

Ekuphumeni kwabo ewofisini, oTshisa loGinyambila baya esambuzini. Baphuma lapho bema egcekeni bekhulisa ukuzwa ubumnandi bokutshisa kwelanga likaNhlangula. UTshisa wayexoxela uGinyambila ukuthi wabamba njani esinye isigebenga esasesiqede abantu emaguswini. UGinyambila wayelokhu egegedeka kokuphela kubonisa ukuthi imnandi indaba le. Abantwana bogwalo lwesithathu babephandle bezwakala bedlala uKwatakwatana.

Yakhala insimbi yerisesi baphuma abantwana bayafola. Babukela oTshisa. Sekwedlule ukufola, uThwala wabalanda oTshisa.

'Liqhuba njani bobaba?' wababuza ebobotheka.

'Kuhle sibili Thwala.'

'A, kungcono.' Eseke wathula kancane engeze,

'Ake siyeni ngale,' watsho ekhomba ngezindlini zamatitshala.

Kuthe nxa besithi bayasuka kwafika uSibanda loSiziba, basebehamba bonke. Baqonda endlini kaThwala. Kwabuya itiye lezibiliboco. Kwanathwa kwadliwa kuxoxwa.

'Abantwana lapha basuka ezigabeni ezingaki?'

'Ezine baba Bhebhe,' kuphendula uThwala.

'Wo. Yiziphi?'

'KuleTundumadzi, iSipedza, iGangangwa leZidlabusuku.'

'Yikho bebanengi kangaka,' uGinyambila evuma langekhanda esizwa amabizo ezigaba lezi emchaza, emangala ukuthi kambe kungabe kwakuyimihlobo bani yabantu eyayinika la amabizo.

'Sona isikolo senu lesi sihle sibili,' kubuka uTshisa.

'Ngasebenza kakhulu Bhebhe. Angazi ukuthi abantu balapha bazangibonga ngani,' watsho ebobotheka uThwala. Phela otitshanhloko bayakuthanda kakhulu ukubukwa.

'Kanti ekhaya kungaphi bobaba?' sekubuza uSiziba.

'Mina ngisuka koSikhobo, eTsholotsho, umfana wami lo uGinyambila uphuma khonapha koGodlwayo, eFilabusi.' Abobotheka amatitshala ngoba ayengakwazi ukuthi uDube nguGinyambila.

'Kudala lawungena lumsebenzi Bhebhe?'

'Sekukudala sibili Sibanda. Mina akusensuku zatshwala ngingathathanga ipentsheni. Umfana wami lo kakabi lesikhathi eside kodwa ikhanda lakhe livuthiwe. Kakabi lesikhathi eside esipholiseni kodwa usengumcuphi.'

Ithethwe ku: Awu Bakithi, Macrey Steward Tshuma. Mambo Press, 1984.

1. UTshisa loGinyambila babephuma ngaphi?

A. esambuzini

B. ewofisini

C. ekilasini

D. erisesi

C UKUBHALA

Phendula imibuzo elandelayo

1. Ingaphi iNtabazinduna?
2. Umlobi uthe omakorokoza batholakala ngaphi? Qamba indawo ezimbili.
3. Ngobani omakorokoza?
4. Uhlupho lwabomakorokoza ngolwani?
5. Umlobi uthe kukhanya ngani ukuba kulamakorokoza esigabeni?
6. Ngobani asebekhathezekile ngenxa yamakorokoza?
7. Qamba amanye amatshe amabili enjiwa kwelakithi.
8. Asinceda ngani amatshe lawa njengesizwe?
9. Phana ingcazelo yamabala la asengoxweni njengokusetshenziswa kwawo.
 - a. besiyaphanda
 - b. eliligugu
 - c. ukugugudeka
 - d. siyaziqhenya

Isifinqo

Bala njalo indaba 'Omakorokoza' udinga okumqoka kule indaba. Bhala ufinqa indaba utshengisa ukuthi uyizwisile ngamabala angamatshumi ayisithupha. Khumbula ukuthi isifinqo kumele sibe lemicijo eqakathekileyo eyethulwa ngawakho amazwi, hatshi awomlobi.

Inkondlo

Endabeni oyibalileyo bekukhulunywa ngelitshe eliligugu elitholakala kwelakithi. Bhala inkondlo ngezenjiwa kwelakithi. Sebenzisa amabala angamatshumi ayisitshiyagalombili kusiya kukhulu lamatshumi amabili. Uyavunyelwa ukusebenzisa imicijo elandelayo kumbe eminye oyibona ifanele.

- Qamba ezenjiwayo
- Ziligugu ngani?
- Njengesizwe sitholani kizo?
- Limukisa abantu ngazo

D ULIMI

Gcwalisa imitsho elandelayo usebenzisa u- 'fika' kumbe 'buya'.

1. Waya eGoli waze wa_____ esemdala.
2. Izulu la_____ ngomoya omkhulu.
3. Isihambi sa_____ thina sesilele.
4. Abafana abathe bayeza abaka_____
5. Ungahamba uza_____ nini lapha?
6. Udadewethu uthe usefuna uku_____ ekhaya.

A UKULELELA LOKUKHULUMA

Ukukhuluma

Phendula imibuzo elandelayo

1. Lapha esikolo kulemisebenzi yabafana leyamankazana?
2. Ngobani abathanyela izindlu zokufundela?
3. Ngobani abaya esivandeni?

Ingxoxo

Ngamaqembu enu, xoxani ngemisebenzi yangekhaya. Ngubani owenza imisebenzi le? Kulemisebenzi yabesilisa leyabesintwana? Kungani lisitsho njalo? Iqembu linye ngalinye lizanikwa ithuba lokukhuluma elikubhalikeyo.

Ukuphikisana

Ngamaqembu, phikisanani ngesihloko esithi, "Abafana akumelanga bagezise, bayekukha amanzi, bayenkunini ngoba yimisebenzi yamankazana." Iqembu linye ngalinye lizaphiwa imiklomelo.

B UKUBALA

Bala indaba ube usuphendula imibuzo elandelayo.

Ingxoxo kaThemba loyise

UThemba loyise babehlezi phandle ngemva kokudla kwemini bezixoxela.

Themba: Kungcono angiyisiyo nkazana baba.

Ndlovu: Kungani usitsho njalo Themba?

Themba: Umama lamankazana abahlali phansi ngemisebenzi. Khangela thina amadoda, sesizihlalele bona lokhe bedidizela besiya le lale.

Ndlovu: Hawu! Themba lawe usuyindoda?

Themba: Ngeke ngithi thina abafana phela baba. Kungangcono ngithi thina amadoda.

Ndlovu: UMaNcube ukuphethe okweganda sibili.

Themba: Wenzeni umama?

Ndlovu: Themba akula msebenzi yabomama kumbe eyabobaba. Akungitshela ngeke ugezise imiganu wena?

Themba: Aaa! Baba, mina ngigezisa?

Ndlovu: Ungitshela ukuthi singasala sobabili umama lamankazana bengekho awusoze ugezise?

Wezwakala **engunguna** uThemba.

Ndlovu: Zwana mfana wami. Imisebenzi yekhaya akula okuthiwa ngowesilisa kumbe ngowesintwana. Nginje mina sisakhula kogogo wakho, sasingabafana sodwa



A UKULELELA LOKUKHULUMA

Ingxoxo

1. Liphathisana njani esigabeni nxa kukhalwa kumbe kujatshulwa?
2. Phana okuhle lokubi kokuphathisana esigabeni.

Umdlalo

Yenzani imidlalo lilingisela abantu bephathisana komunye umbuthano esigabeni.

Ukulalela

Izibizelo zamabala lemitsho

Ngababili, balani amabala eviki. Ngemva kokuwabala, umbalisi uzabizela amabala kunye lemitsho. Lalelisisa.

B UKUBALA

Bala indaba ube usuphendula imibuzo elandelayo.

Uzibuthe wabomama

Babexokozela bephithizela, betshaya uhleko bethakazelela ukubonana ngemva kwenyanga yonke. Kwakungabomama beThendele sebehlangene kumhlango wabo owawungena nyanga zonke. Kwakunguzibuthe wabomama wesiqinti seSolusi, phansi eTsholotsho. Injongo yomhlango kuyikuphathisana uma kube lemfa esigabeni, bancedisane ngesikhathi eyinye imuli yehlelwe liyezi elimnyama.



Kwasekudlule iminyaka edlula amatshumi amabili yaqala inhlanganiso le ngoba abawusungulayo inengi labo laseledlula. Abantwababo labomalukazana basala beqhubeka ngombono waboninazala labo nina.

Kwakusithi kungaba lemfa esigabeni kukhitshwe amabhodo, izimbiza lemiganu eyathengwa kusungulwa inhlanganiso iyesebenza emfeni. Nyanga zonke babekhipha imali, kuthi nxa kudlule isikhathi kungelamfa bayibolekise ibuye isizele.

Ngalelolang babezotshaya imali yenyanga zonke lokuzokuzwa ukuthi ngemva kwemfa yako khulu uNkomo kwasetshenzwa njani. Umgcinisihlalo wathulisa abantu wabamukela emhlanganweni. Kwakhulunywa ngemfa yako Nkomo kwatshiwo okuhle lokubi okwenzakalayo.

Ngemva kwalokho kwacelwa ukuthi **umgcingcebo** abuthanise imali, atsho eyasebenza koNkomo, eyasalayo lengenileyo. Wasukuma uMaMkhize wachasisa. Omama basala **bengekuza** amakhanda betshengisa ukuzwisisa.

Baphetha ngokutsho ukuba umhlango olandelayo uzangena koMaNtini omncane.

A UKULELELA LOKUKHULUMA

Ukulalela

Izibizelo zamabala lemitsho

Ngababili, balani amabala eviki. Ngemva kokuwabala, umbalisi uzabizela amabala kunye lemitsho. Lalelisisa.

Ingxoxo

1. Qambani indlela abantu ababhidliza ngayo ezemvelo.
2. Ngababili, qambani indlela zokulondoloza imvelo.
3. Yiwaphi amanyathelo ongawapha kugatsha lukahulumende olukhangele ngokugcinakala lokulondolozwa kwemvelo.

Ngenani ebulenjini likhangele indlela ezehlukeneyo eziphathelelane lokulondoloza imvelo. Iqembu linye ngalinye lizanikwa ithuba lokukhuluma elikubhalileyo.

Okunye Okokwenza

Yenzani amagwaliba elizawaphanyeka ekilasini lemdulwini kazulu alimukisa uzulu ngokulondoloza imvelo.

B UKUBALA

Bala indaba ube usuphendula imibuzo elandelayo.


Umtshina kaDlamini

UDlamini impentsheni yakhe yathi iphuma wayesebuthelele imitshina, isamende lenhlabathi yokutshaya izitina. Kwasekusele ukuthi athenge amafutha okusebenzisa emtshineni wokwenza izitina. Izakhamizi zazingazwisi ukuthi umtshina lowu uzasebenza njani. Mhlana uqala ukusebenza kwabamba nki intuthu koDlamini, kwagcwala isigaba sonke seNana. Zakhakhamala izakhamizi ukuba sebeza hotsha intuthu engcolileyo.

UNyoni owayevele esebenza kugatsha lukahulumende olukhangela ngezemvelo wahle wamlanda uDlamini. Baxoxisana kodwa uDlamini wephulela izigodo endlebeni ngoba wala ngokuthi sokuyiso isinkwa sakhe njengoba engasasebenzi.

Yaqhubeka impilo kulesi isigaba izakhamizi sezisehluleka ukuchaya impahla besesaba ukungcolisa impahla ngentuthu. Kanti loNyoni kakhallalanga. Wasuka **wayamangalela** emapholiseni e-EMA (Environmental Management Agency), ababonangokugcinakala lokulondolozwa kwemvelo.

Batheleka ngemva kweviki abe EMA. Bathola umuntu omdala esebenza, umtshina usidla amahabula, ugaya izitina intuthu ibambe nki! Bafika bacela incwadi zebhizimusi yokutshaya izitina. Baziswela. Bambuza ukuba intuthu le yayilungile na, wathi hatshi. UDLamini lokhe waqala ukusebenzisa umtshina lowu ubeselokukhwehlela



A UKULELELA LOKUKHULUMA

Ukulalela

Izibizelo zamabala lemitsho

Ngababili, balani amabala eviki. Ngemva kokuwabala, umbalisi uzabizela amabala kunye lemitsho. Lalelisisa.

Ukulalela lokukhuluma

1. Lalela umbalisi kumbe umuntu wemzini elixoxela ngombuso kaTshaka.
2. Buza imibuzo lapho ongazwisi khona.
3. Kambe abaphila ngesikhathi sakhe babekholisa na? Utsho ngani?

Umdlalo

Yenzani umdlalo omunye abe nguTshaka elingisela ukubusa kwakhe.

B UKUBALA

Bala indaba ube usuphendula imibuzo elandelayo.

UMbiko wathi efika emzini wakhe wafica uZinkabi **exhuxhuma** efuna ukuzwa ukubana zihambe kanjani izindaba esigodlweni koMhlahlandlela. UZinkabi lo yindodakazi yeNkosi uMzilikazi. Noma ingayisiyo intombi uMbiko asoka ngayo ngoba wayelamakhosikazi amahlanu phambi kwakhe njalo elamanye amane emvakwakhe. UZinkabi **wayeyintandokazi** njalo eyiyona nkosikazi enkulu lapha ekhaya ngoba umntaneNkosi wayengeke afike abuswe ngomunye umfazi.



UMbiko **wayengamthontisi** ngoba kwakuligugu elikhulu ukuthatha umdlunkulu. UMzilikazi uvumanje ukuthi uMasuku agane indodakazi yakhe ngoba ebona isibindi lobuqhawe bakhe obesabekayo. Ngokubhuqa uNdaleka eyedwa loZwangendaba wakhe oJingeni waphanga izinkomo uNdaleka lamaLawu abasebezithumbile emva kokubulala izikhulu zeNkosi zilele emathangeni azo.

Ngakho uMbiko **wayeziqhenya** kakhulu kazi ukuthi uthethe indodakazi yeNkosi ngoba ukuthatha umntanenkosi kwakusitsho ukuba uliqhawe elimangalisayo, indoda emadodeni. UmntaneNkosi wayengazake amane endiswe emuntwini ongazange aveze ubuqhawe bakhe lakuyiphi impi, ongazange adle abafo empini, ongazange aphange izinkomo ndawo.

"Hawu kade wahambaMlondo! Konke lokhu besengimangele ukuthi hawu namhla emzini kababa **kuhluzwa** ezinganani, oMasuku baze **bahambe balobe** kangaka" kubabaza uZinkabi nxa uMbiko efikayo emzini wakhe weNgcekezeni.

A UKUFALELA LOKUKHULUMA

Ingxoxo

Kulezinhlanganiso ezivikela abantwana. Ngamaqembu, ngenani ebulenjini lidingisise ngenhlanganiso lezi, liphendule imibuzo elandelayo. Iqembu linye ngalinye lizanikwa ithuba lokukhuluma elikubhalileyo.

1. Qambani inhlanganiso ezivikela abantwana.
2. Zibavikele kubobani? Njani?
3. Uhulumende wenzani ukuze abantwana bavikeleke.
4. Qamba izibonelo ezimbili zamalungelo abantwana ajonge ukubavikela.

Umdlalo

Dlalani umdlalo owemuli esilobolise umntwana ofanele ukuba sesikolo exhegwini. Tshengisani ukungenela kweyinye yezinhlanganiso sezibophisa imuli ngesenzo lesa.

Ukulalela

Izibizelo zamabala lemitsho

Ngababili, balani amabala eviki. Ngemva kokuwabala, umbalisi uzabizela amabala kunye lemitsho. Lalelisisa.

B UKUBALA

Bala indaba ube usuphendula imibuzo elandelayo.

UMnumzana Mloyi

UMnumzana Mloyi wayesanda ukuthatha usana lwakoTshabalala. Umumo wawungavumi ukuthi abadala bazigcinele bakhulise abantwana babo, ngakho ukubendisa besesebancane kwasekuvamile phansi khonale eTsholotsho, ekucineni eMpilo ususiya eLupane.

Kwakungayisikuthanda ukwendisa umntanakhe uTshabalala kodwa indlala yayisingenile ekhaya, esesehluleka lokusa abantwana bakhe abane abangabafana esikolo. Umphakathi wawusuzwele ngoMnumzana uMloyi ngoba wayengabanakekeli abantwana laba. Babesiba yizigqili zakhe ezazitshona zisebenza emasimini lendlini yakhe. Ukuthi yena wayeyithatha ngaphi imali, akula okwaziyo. Indaba le yayisemapholiseni, belinde ukuthi athathe omunye umntwana.

Bafika libalele, ezidlela amangqentshane elibele. Kwaqoqoda uMkhize onguye owayelomzimba olingeneyo. USibanda wayelandela emuva. Wavuma ezithele ngaqandayo. Bangena, kazange ethuke uMloyi ngoba amapholisa la ayezigqokele impahla zabo. Babingelelana amapholisa azethula ukuthi bangobani. Wethuka uMloyi, weqa wema ngenyawo kodwa bamcela ukuba ahlale phansi. Bambuza buza imibuzo, waqala ephika bamchasisela ukuba uzahlala **entolongweni** isikhathi eside uma engafihla. Njengomuntu owayeligwala wahle wavuma amacala akhe wonke.



9. Wacina esekhuluma lobani ugogo?
10. Phana ingcazelo yamabala la asengxoxweni njengokusetshenziswa kwawo.
- ubuwula
 - sabhuqukeza
 - ukudlwengula
 - amathangazi
 - satshabalala
 - ngilincwebe indlebe
 - wayeseluthezile olulenkume

Isifinqo

Buyela emuva uyebala indaba 'Ugogo uMaDube uyavakatsha'. Dinga okumqoka kundaba le. Ifinqe indaba le ngamabala angamatshumi ayisithupha.

Incwadi yobungane

Bhalela umngane wakho umxoxela ngendlela zokugcina amasiko akwethu. Umzimba wencwadi kumele ube lamabala angamatshumi ayisitshiyagalombili kusiya kukhulu elilamatshumi amabili. Uyavunyelwa ukusebenzisa imicijo elandelayo kumbe eminye oyibona ifanele.

- imithombo yolwazi mayelana ngamasiko ethu ngobani?
- singawavuselela njani siwalondoloze njani amasiko ethu?
- Lingakhuthaza njani abanye ekulondolozeni amasiko la?



ULIMI

Sample

Ukusetshenziswa kolimi

Ugogo usebenzise izaga ukulaya imuli yakhe ngokugcina amasiko, njengalokhu okuvezwe phansi.

Isibonelo:

Uthe ikhula lamanono ayo? Kuyini okukhula lamanono ayo? Inkomo.

Tshono ukuthi lapha bakhuluma ngani.

1. Enyathele udaka inathile. Ini?
2. Uselala eziko. Ubani?
3. Sibona ngomopho. Isini?
4. Ikhotha eyikhothayo. Ini?
5. Soyicela ivuthiwe. Ini?
6. Elibomvu libolile. Ini?
7. Ithi ingaqhoba ithambo yejwayele. Ini?
8. Sigoqwa sisemanzi. Isini?



D ULIMI

Ubuhlobo

Endabeni kumhlophe ukuthi uMvundla wabangumkhwenyana wendoda le.
Ngubani wakho lowu?

1. Unakayihlo ngu _____.
2. Umntakadadewenu ngu _____.
3. Unakamakho ngu _____.
4. Uyise womntakayihlo ngu _____.
5. Umntakamalumakho ngu _____.
6. Umnawakhe womkakho (wena uyindoda) ngu _____.
7. Indodana yendodakazi yakho ngu _____.
8. Unina womkhwenyana wakho ngu _____.
9. Umkadadewenu ngu _____.
10. Umnewabo kanyoko ngu _____.

Uhlelo

Khetha isivumelwano esiqondileyo.

1. Obaba bahamba _____dwa. (ye/bo/lo)
2. Lokhu _____kudla okumnandi kakhulu. (yi/lo/nga)
3. Baphenduka _____nke kanye kanye labantwana. (lo/zo/bo)
4. Baxoxa _____kuqakatheka kokudla. (lo/ngo/nge)
5. Umama _____phendula ubaba. (yi/wa/nga)
6. Umphathi wayexoxa _____bomama. (le/nga/la)

E OKUNYE OKOKWENZA

Umsebenzi wangekhaya

Isibonelo:

Sithi ichibi lamanzi.

Lapha-ke?

1. Ibonda le _____.
2. Umhlambi we _____.
3. Isiziba sa _____.
4. Inqwaba ya _____.
5. Umnyaba we _____.
6. Isithungo so _____.
7. Igusu le _____.
8. Ixuku le _____.



MaMoyo: Ini ntombi?

Waqala ukubihla uNosipho. Wathula uyisekazi walinda impendulo.

Nosipho: Ngeqiwe yinyanga babakazi.

MaMoyo: Maye! Wangenza MaDewa. Ngizakubikelwa ngubani kuyihlo ebaba kangaka? Nkosi yami bantu! Maye!

UNosipho waqhubeka ebihla uyisekazi engasazi okokwenza ingqondo sezisangene.

MaMoyo: Yehlisa umoya Moyo. Asilungisise indaba ntombi, akula kubuyela emuva. Lingaphi ijaha lakhona?

Nosipho: (ngapha ebihla) Usebenza esibhedlela.

MaMoyo: Hawu ntombi, ngumuntu osebenza loyihlo? Awu Nkosi yami!

Nosipho: Yebo! ngumabhalane.

MaMoyo: Ngumntaka Siziba?

Nosipho: Ye!

MaMoyo: Kulungile. Sekumele kulungiswe ngiyetshela uyihlo ngomonakalo.

Sekukuye ukuthi sizakwenzani kodwa kumele siyebika isisu. Labako Siziba batsho ukuthi bayavuma umthwalo kumbe hatshi, ukuze kulungiselelwe ukuthi uyakwenda kumbe uzazikhulisela umntwana. Okumele ngihle ngibe kwazi yikuthi ulani okutshengisa ukuthi lomntaka Siziba belithandana?

Nosipho: Besithumelana ama meseji lokufonelana.

MaMoyo: Kanje lina alisabhali ncwadi. Awula okunye okubambekayo okungokwakhe?

Nosipho: Ngilesikipa sakhe asikhohlwa esikhwameni sami.

MaMoyo: Kuhle lokhu. Sizalala okwanamuhla sivuke sisiya kuyihlo kusasa akumelanga siphuze.

Basuka uMaMoyo esiyatshela umkakhe, uNosipho esiya kubazawakhe.



UKUBHALA

Phendula imibuzo elandelayo

1. UNosipho wasuka sikhathi bani?
2. Wayesiya ngaphi?
3. Wayehamba e_____.
4. USibanda ngubani kaNosipho?
5. UNosipho wayesenjani?
6. Umthwalo wawungowakobani?
7. Ijaha lakhe lalisebenza msebenzi bani?
8. Qamba okuthathu okwakuzakuba yibufakazi ukuthi uNosipho wayethandana lomntaka Siziba.
9. Uyise kaNosipho wayesebenza ngaphi? Utsho ngani?
10. Phana ingcazelo yamabala la asengxoxweni njengokusetshenziswa kwawo.
 - a. wavuka kusasele
 - b. wayezidla izibindi
 - c. ayevele esechithekile
 - d. ukubihla
 - e. ngeqiwe yinyanga



A UKULELELA LOKUKHULUMA

Ukuphikisana

Ngamaqembu, phikisanani ngesihloko esithi, 'Inganekwane ziyindlela yokufundisa imikhuba yesintu'. Iqembu linye ngalinye lizaphiwa imiklomelo.

Ukulalela

Izibizelo zamabala lemitsho

Ngababili, dlalani imidlalo yezibizelo. Umbalisi uzalipha izibizelo zamabala lemitsho. Lalelisisa.

B UKUBALA

Bala indaba ube usuphendula imibuzo elandelayo.


Ukufa kukaMvundla

Bakhona abangomahlakanipheni empilweni esiphila kiyo, abazenzela umathanda bephila ngokuqila abanye. Sikubona kuMvundla owayethwalise nzima amanye amadoda anjengoNdwangu, uFudu, uNdlovu kunye loSilwane. Indoda le yayizibona ihlakaniphile, iphila impilo yayo yokuqila abanye. Kodwa elokufa alitsheli njalo lilanga eliyisithutha.

Kweyinye imini uMvundla ezihambela wabona uQhude. UQhude wayethukuze ikhanda lakhe empikweni zakhe ngakho lalingakhanyi. UMvundla wamkhulumisa wavuma uQhude. Wambuza ukuba ikhanda lakhe ulise ngaphi. UQhude wathi ulithumile. Kwamangalisa lokhu uMvundla laye esefisa ukuba laye enelise ukuthuma elakhe ikhanda asale ezihlalele.

Wasuka lapho uMvundla waya kuNkosikazi wakhe wafika wathi athathe ihloka aqume ikhanda lakhe ngoba ufuna ukulithuma. Wethuka unkosikazi kaMvundla. Wakhwaza uMvundla ebona inina lakhe lingenzi alithume khona. Wazama ukumbonisa umkakhe ukuba akulanto enjalo engenzakala. UMvundla wathi yena ngeke adlulwe nguQhude, laye ufuna ukuthuma elakhe ikhanda asale ezihlalele.

Ngokwesaba wathatha ihloka walibamba ngenhliziyo ebuhlungu, uMvundla eselele phansi eqamele isigodo. Kwezwakala ukukhala kwehloka phezu kwesigodo. Ikhanda lika Mvundla layawela khatshana le. Kwaba yikufa kwendoda eyayithwalise abanye nzima. Yafa ngobuthutha iqilibezelwe nguQhude.





8. Kwasa kwathi _____ singalindelanga.

Uhlelo

Kulamabala akhelwe phezu kwamanye amabala akhomba isenzo, njengalokhu okuvezwe phansi.

Isibonelo:

ekhonkothayo – khonkotha

Lingiselani isibonelo elisiphiwe phezulu.

1. ophaphathekayo
2. ememethekayo
3. obibithekayo
4. osisithekayo
5. obobothekayo

E OKUNYE OKOKWENZA

Umsebenzi wangekhaya

Phana ibala eliphiwa umuntu onje

1. Olivila
2. Mubi kakhulu
3. Uyesabeka
4. Uphila ngabanye
5. Usebenza kakhulu
6. Uthule
7. Udla esesulela phansi

Uluhlu lwamabala amatsha

Isinini ngumuntu elilobudlelwano begazi, loba ngokwejoyelana.

Qomisa yikuncenga okwenziwa lijaha entombini ukuba bathandane.



D ULIMI

ngamathe lolimi umanzi yinyoka liqanda
lilanga liphuma limajaha mabili yinkosi ingani ulomsila

Gcwalisa imitshe elandelayo.

1. Kalungile nje _____.
2. Kabathandani nje _____.
3. Kasi jaha nje _____.
4. Kamuhle nje _____.
5. Kayisibumbulu nje _____.
6. Kayisibuvila nje _____.
7. Kaphethwe kuhle nje _____.
8. Kathabile nje _____.

Uhlelo

Kulimi lwesiNdebele, inkathi yisikhathi esikhomba ukuba isehlakalo senzakala ngalesosikhathi, sesenzakala kumbe sizakwenzakala.

Inkathi iphawula lokho okwenzakalayo ngesikhathi esiphiweyo. Kule nkathi yamanje, inkathi ezayo lenkathi edluleyo.


Isibonelo:

Inkathi edluleyo Umama ubegiga
Inkathi yamanje Umama uyagiga.
Inkathi ezayo Umama uzagiga.

Lapha ke?

Edluleyo	Eyamanje	Ezayo
1. _____	bamgwazile	_____
2. _____	uyadlala	_____
3. _____	_____	uzabuya
4. _____	_____	bazagida
5. bamngcwaba	_____	_____
6. wafa	_____	_____

Imihlobo yezokuthutha lenani labantu abasebenzisa leyo imihlobo



15. Qamba umhlobo womdwebo osetshenziweyo.
A. Igilafu B. Iphayitshathi C. Yisigombolozu D. Itafula
16. Yiwuphi umhlobo wezokuthutha othandwa ngabantu abanengi?
A. Imitshova B. Amabhasi C. Izitimela D. Izimota zabantu
17. Umhlobo wezokuthutha olenani elincane labantu kulayo yonke imihlobo yiwuphi?
A. Izitimela B. Amabhasi C. Izimota zabantu D. Imitshova
18. Umhlobo wezokuthutha osesikhundleni sesibili ngokuthandwa ngabantu yiwuphi?
A. Izitimela B. Izimota zabantu C. Amakhombi D. Amabhasi
19. Inani labantu abagada imitshova lezitimela linganani?
A. 35% B. 25% C. 53% D. 23%
20. Abantu abagada amabhasi behlukana ngenani elinganani lalabo abagada izimota zabantu?
A. 27% B. 37% C. 35% D. 32%
21. Imihlobo yezokuthutha esetshenziswa ngabantu kulo umdwebo ngemingaki?
A. Ngemithathu B. Ngemibili C. Akula D. ngemine

Gcwalisa imitsho ngesenzukuthi esiqondileyo

22. Untulo ugijime wafika wathi ____ emlindini.
A. ntshompo B. cwaka C. nhlo D. ntshobe
23. Umvundla uvuke esikhundleni sawo wathi ____ wabaleka.
A. daca B. phulukundlu C. nya D. lothu
24. Kwathula kwathi ____ lapho indoda embi ethwele umbobho ihambahamba phakathi.
A. cwi B. cwaka C. tu D. ntshobe